

Bosna i Hercegovina
Federacija Bosne i Hercegovine
Kanton Sarajevo
**JU ŠKOLA ZA SREDNJE STRUČNO OBRAZOVANJE
I RADNO OSPOSOBLJAVANJE Sarajevo**
Azize Šaćirbegović 80, 71 000 Sarajevo
Tel/fax 033 655-950
lmr@bih.net.ba
Broj:01-1-1297/21
Datum: 21.09.2021. godine

Na osnovu člana 100. stav (3), a u vezi sa članovima 3., 44. stav (3), 48. stav (2), 51. stav (1) tačka a) 54. stav (9), 70. stav (1) i (4) Zakona o javnim nabavkama ("Službeni glasnik BiH" broj: 39/14), članom 3. stav (2) tačka d) Uputstva za pripremu modela tenderske dokumentacija i ponuda (" Službeni glasnik BiH" broj: 90/14 i 20/15), člana 143. Zakona o srednjem obrazovanju ("Službene novine Kantona Sarajevo", broj: 23/17, 30/19 i 33/21), odlučujući po žalbi "Gradprom" d.o.o. Srbac zastupane po punomoćniku Antonić Mile advokatu iz Banja Luke, izjavljenu na tendersku dokumentaciju za nabavku radova "Izgradnja električnog lifta", broj KZ-1/21 objavljenu na portalu javnih nabavki dana 15.09.2021. godine-Obavještenje broj: 336-7-3-106-3-1/21, Školski odbor na JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo, na sjednici održanoj 21.09.2021. godine donosi

RJEŠENJE

I

Usvaja se žalba izjavljena od strane potencijalnog ponuđača "GRADPROM" d.o.o. Srbac zastupana po punomoćniku Mile Antonić na tendersku dokumentaciju za nabavku radova "Izgradnja električnog lifta" broj: KZ-1/21 objavljenu na portalu javnih nabavki dana 15.09.2021. godine, Obavještenje broj: 336-7-3-106-3-1/21.

Djelimično se usvaja žalba u dijelu troškova pod tačkom 3. i 4., prijedloga iz žalbe, dok za dio koji se odnosi na tačku 5. odbija, jer nije izvršena uplata te o istoj neće odlučivati iz razloga što se uvažava žalba i ne prosljeđuje Uredu za žalbe.

II

Poništava se Tenderska dokumentacija zajedno sa Obavještenjem broj: 336-7-3-106-3-1/21 objavljena 15.09.2021. godine.

Ugovorni organ konstatuje da je neophodno tendersku dokumentaciju u cjelosti izmijeniti, obzirom na mogućnost postojanja više grešaka, te da se svrha pravilnog djelovanja ugovornog organa najbolje postiže poništenjem postupka.

III

Ovo Rješenje bit će objavljeno na web stranici Škole (*strucnoobraz.edu.ba*) i portalu javnih nabavki www.ejn.gov.ba u cilju obavještenja ponuđača koji su preuzeli tendersku dokumentaciju za javnu nabavku radova "Izgradnja električnog lifta".

IV

Rješenje stupa na snagu danom donošenja.

O b r a z l o ž e n j e

Odlukom o pokretanju postupka javne nabavke broj: 01-1-1198/21 od 09.09.2021. godine Školski odbor JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo, pokrenuo je postupak javne nabavke radova "Izgradnja električnog lifta".

Odlukom je određeno da se javna nabavka provodi putem konkurentskog zahtjeva za dostavljanje ponuda.

Procijenjena vrijednost javne nabavke bez PDV-a iznosi: 54.700, 85 KM.

Tenderska dokumentacija i Obavještenje o nabavci broj: 336-7-3-106-3-1/21 su objavljeni na portalu javnih nabavki dana 15.09.2021. godine.

Ugovorni organ je dana 17.09.2021. godine putem pošte zaprimio žalbu, potencijalnog ponuđača "GRADPROM" d.o.o. Srbac zastupanu po punomoćniku Mile Antić - advokatu iz Banja Luke, ul. Veselina Masleše bb, 78 000 Banja Luka, uloženu na tendersku dokumentaciju za nabavku radova "Izgradnja električnog lifta" broj: KZ-1/21.

Prije upuštanja u meritorno odlučivanje po žalbi, ugovorni organ je pristupio provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a koje su propisane članom 101. stav (1) Zakona o javnim nabavkama.

U skladu sa članom 100. stav (1) i (3) Zakona o javnim nabavkama BiH, ugovorni organ je utvrdio da je žalba blagovremena, dopuštena i izjavljena od strane ovlaštenog lica, te da je djelimično osnovana.

Žalitelj "GRADPROM" d.o.o. ulaže žalbu na tendersku dokumentaciju za nabavku radova "Izgradnja električnog lifta", broj: KZ-1/21 objavljenu na portalu javnih nabavki dana 15.09.2021. godine iz razloga što je:

- ugovorni organ tenderskom dokumentacijom u pogledu uslova koji se odnose na tehničke i profesionalne sposobnosti i uslove za kvalifikaciju propisao uslove koji nisu usklađeni sa odredbama Zakona o javnim nabavkama.

Ugovorni organ je utvrdio da osporavani dijelovi Tenderske dokumentacije nisu usklađeni sa odredbama Zakona o javnim nabavkama, te obzirom da je žalba u tom dijelu osnovana, doneseno je rješenje o poništenju postupka javne nabavke radova "Izgradnja električnog lifta", broj: KZ-1/21, objavljene na portalu javnih nabavki dana 15.09.2021. godine.

Djelimično se odbija zahtjev žalitelja za naknadu troškova za sastav žalbe u iznosu od 1.316,25 KM.

Obzirom da je žalba osnovana, ugovorni organ usvaja zahtjev žalitelja za naknadu troškova, koji se odnose na troškove za sastav žalbe po advokatu u iznosu od 900,00 KM, uvećan za iznos PDV-a od 17 % što ukupno iznosi 1.053,00KM dok se u preostalom dijelu zahtjeva za nadoknadu troškova za sastav žalbe, zahtjev odbija kao neosnovan. Odluka o troškovima donesena u skladu sa stavom Suda BiH iznesenim u Presudi broj SI 3 U 023495 16 U od 16.03.2018. godine (vidi Presudu).

Na osnovu svega naprijed navedenog odlučeno je kao u dispozitivu ovog Rješenja.

POUKA O PRAVNOM LIJEKU: Protiv ovog Rješenja može se izjaviti žalba Uredu za razmatranje žalbi, putem ugovornog organa, najkasnije u roku od 5 dana od dana prijema ovog rješenja.



Dostavljeno:

1. "GRADPROM" d.o.o. Srbac, putem advokata Antonić Mile iz Banja Luke, Veselina Masleše bb, 78 000 Banja Luka,
2. Portal javnih nabavki,
3. Web stranica Škole,
4. a/a Š.O.